



Scientia Sanctorum

Collecta Ex Meditationibus Ludovici De Ponte, Joannis Busaei, Joan. Suffren, Juliani Hayneufve, Et Antonii Gaudier, &c. E Societate Jesu, In Dominicis, Festa & ferias totius Anni digesta. Cum Indicibus duobus. I. In singulos dies. II. Ad Exercitia Spiritualia

Puente, Luis de la

Dilingæ, 1685

De S. Francisco Salesio.

[urn:nbn:de:hbz:466:1-60588](https://nbn-resolving.org/urn:nbn:de:hbz:466:1-60588)

coluit virtutes, imiteris, maximè verò castitatem, patientiam, pietatem, & innocentiam, quam ab infantia usque ad extremum spiritum illibatam servavit. Is enim cultus omnium longè gratissimus, & utilissimus: imitari quam colas.

DE S. FRANCISCO
SALESIO.

29. Jan.

Idea vitæ spiritualis.

PUNCTUM PRIMUM.

S. Fr. Salesius sibi mortuus fuit, 1. enim *continuo non acquievit carni & sanguini* moriendo vitæ sensuali, sensus omnes custodiendo admirabili modestia, maximè verò carnem domando perpetua virginitate, quam Beatæ Virgini consecraverat adolescens. 2. Passiones omnes, easque inprimis quæ magis innatæ sunt, iræ & inanis gloriæ, extinguendo sic, ut fel ejus lapidesceret, & audito Cardinalatum sibi à S. Pontifice propter egregia in Ecclesiâ merita sperandum, hunc sermonem maximo honorum, contemptu, majori audientium stupore rejiceret. Ipse ingressus in Clericalem statum, recusata in senatu Sabaudix amplissima dignitate insignis fuit. 3. Cum mors spiritualis *Pacifiser totum hominem*, erat in illo pax & tranquillitas admirabilis, qua fiebat ut nulla prorsus re quasi mortuus moveretur. Hoc autem assecutus est, omnes animi motus explorando diligenter, & assidua

Sibi moritur.

1.

Gal. 1.

16.

2.

3.

Hh 2

dua

dua cura refrænando : quare in ira comprimen-
da fassus est se annos 20. posuisse. O si ita invi-
gilares tibi, & passionibus bellum indiceres !
Vide quid potissimum pecces & emendatio-
nem pollicere. O si omnia mundi oblectamen-
ta cum ipso fugeres, nec sine fastidio, quando
necesse esset, admitteres !

PUNCTUM II.

Vivit
Deo
1.
Gen. 5.
24.
2.
3.
4.

Non satis habuit mori sibi, nisi Deo vi-
veret. 1. Memoria ejus divina fuit : et-
enim semper *ambulavit cum Deo*, quem præsen-
tem, etiam inter gravissimas occupationes, in-
tuebatur. 2. Intellectus plenus Deo fuit, ut vel
ex divinis ejus scriptis, concionibus, colloquiis
intelligitur. 3. Maximè voluntas ejus in Deum
transformata fuit, Deum unicè ac tenerrimè
amando. Unde nec inferos, inquebat, timeo,
nec cœlum amo : sed inferorum cœlique Do-
minum unicè diligo. Utinam nos, qui unicè
Deum non amamus, spretis vanis timoribus, a-
moribusque, uno inferorum timore, cœlique
amore moveremur. 4. Efficiebat hæc in Deum
charitatis transformatio, ut nihil vellet præter
Deum Deique voluntatem. Itaque Deus illi
erat *omnia in omnibus* sive prosperis, sive adver-
sis, quibus ejus animus ne leviter quidem mo-
vebatur : quia, ut aiebat, qui nititur immobili,
non movetur. Hinc fassus est, si sanctissima
Monialium societas, quam tanto studio curisque
instituerat, dissolveretur, se nullo modo pertur-
ban-

bandum esse. An verè cum ipso dicas: *Mihi ad- ps. 72.*
herere Deo bonum est. Quid mihi est in celo, & à 20.
te quid volui super terram, Deus cordis mei? Hoc
ut assequaris, Deum crebro & affectuosè co-
gica.

PUNCTUM III.

Miraculi instar est in S. Francisco Salesio
quod cum esset mi.issimus, idem tamen Vivit
flagrantissimo zelo pro salute proximi proximo
Huic zelo præerat. 1. Spiritus scientiæ, unde erat
potens in sermone coram omni populo, & etiam
num ejus opera spiritualia caelestem doctrinam, Luc. 24.
19.
20.
30.
pietatem, unctiõnemque divinam spirant. 2. Spi-
ritus sapientiæ, quo peccatorum & spiritualium
hominum animos mira prudentia tractabat. 3.
Spiritus fortitudinis, tum in laboribus infinitis,
contumeliis, persecutionibûsque mira mentis
æqualitate ac robore tolerandis: tum impen-
dendo se totum Catholicorum & hæreticorum
saluti, quorum septuaginta duo millia ad Ca-
tholicam fidem reduxisse dicitur, idque singu-
lari ad totam vitam constantia. Adde sanctif-
simarum Montalium institutionem, quarum
insignibus virtutibus ad finem sæculorum zelus
ipsius vigebit. Mitte nunc, Domine, in mes-
sem tuam operarios ejusmodi aliquos. Quam
erubesco cum meam in salute propria & aliena
sotordiam cum illius zelo comparo. Da,
Christe, ut mihi moriar: sic enim & ti-
bi & proximo vivam.